



19. august 2022

EUKA 2022/88

Inatsisartut suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Angerlarsimaffinni varmepumpenik aammalu solcellinik pilersitsinissamut pitsaaqutit aammalu ajoqqutit misissornissaanut Naalackersuisut nassuiaammik suliaqarnissaat pillugu Inatsisartut aalajangiiffigisassaattut siunnersuut. Nassuiaat taakkuninnga ikkussisoqartillugu Namminersorlutik Oqartussat tapiissuteqarsinnaanissaannut aaqqiisummik eqqarsaatersuutinik imaqassaaq. Nassuiaat kingusinnerpaamik EM 2023 Inatsisartunut tunniunneqassaaq.
(Inatsisartunut Ilaasortaqaq Nivi Olsen, Demokraatit)

Tungavilersuut

Maannakkut ikinnerpaat suli nalornigunarput ilumut silaannaap pissusaata allanngoriartornera inunniit piliaanersoq. Ilisimatusartut ilisimatuullu tassunga isumaqataapput.

Qularutigineqarunangilarlu kinguaariit tulliuuttup silaannaap pissusaata allanngoriartorneranit ajornartorsiutinngortussat eqqummaariffigilluarmassuk. Meeqqat inuusuttullu piffissami sivitsortumi akerliussutsimik takutitsinermikkut, atuarfimmi atuarumajunnaarnikkut aammalu assigiinngitsutigut qisuariaqquseqattaarnikuupput. Tamanna aamma nunatsinni pisimavoq. Piffissaq atorluarlugu meeqqatta inuusuttattalu qujaffigerusuppakka, nunarsuarput tamakkerlugu unammillernartoq tamanna oqariatuutiginerannut.

Qularutigineqanngilaq iliuuseqarfigineqartariaqarpoq. Silaannaap pisusaata allanngoriartornera akiorniarnernanut tamatta iluaqutaasunik iliuuseqartariaqarpugut. Nunatsinni imeq atorlugu nukissiuutit immikkut sammineqangaatsiarput, Nukissiorfiit nukimmik pilersuinerisa annerpaartaat aamma tassangaanneerpoq. Tamanna nuannaarutigalugulu tanngassimaarutigissavarput.

Demokraatinit innuttaasut ataasiakkaanut aamma nukiit silaannaap pissusaanut pitsaasuusut immikkut sammineqarnerulernissaat takorusupparput. Tamanna varmepumpenik aammalu socellinik pilersitsinikkut aamma pisinnaavoq. Tassani nalunngereerparput Nukissiorfiit naliliinerasigut iloqarfinni imeq atorlugu nukissiuuteqarfinni pitsaasuusooq.¹ Kisiannli ilisimanerulertariaqarparput nukissiuutit silaannaap pissusaanut pitsaasut nunatsinni qanoq atorneqarsinnaanersut. Imaattariaqarmammi varmepumpenik solcellinillu pilersitsineq inuinnarnut inuiaqatigiinnullu iluaqutaassasoq. Soorlu illoqarfinni imeq atorlugu nukissiuuteqarfiunngitsuni varmepumpenik illunut ikkussineq inuiaqatigiinnut aningaasatigut ajunaaruteqarfiuvoq.²

Inuinnartut inuiaqatigiittullu pissutsini nutaajusuni nammineq aamma aperisariaqarpugut silaannaap pissusaa eqqarsaatigalugu qanoq pitsaanerpaamik aaqqiisinnaanerluta. Demokraatit isumaqarput nassuiaat siunnersuutigineqartoq qanoq silaannaap pissusaanut pitsaasunik nukissiuuteqarneq angerlarsimaffinnut

¹ Akissut § 37-apeqqut normu 69-2021

² Akissut § 37-apeqqut normu 69-2021



pisissinnaaneripput aqqut pitsaasuusooq, taamaattumillu Naalakkersuisuniit partiit sinneriniillu paasinnittoqarnissaa neriutigaarput.

Pisortanut aningaasatigut allaffissornikkullu kingunissai

Nassuiaat siunnersuutigineqartumut aningaasartuutissat million affai qaangernissaat naatsorsuutigineqanngilaq

Namminersorlutik inuussutissarsiuteqartunut aningaasatigut allaffissornikkullu kingunissai

Soqanngilaq

Innuttaasunut aningaasatigut allaffissornikkullu kingunissai

Soqanngilaq